

乾初先生遺集

乾初先生詩集卷五

海寧陳確著

族孫敬璋編校

五言律詩一

耆亭遷

丙子許譜耆亭在嬰渠之東池上結茅亭六
角為同生公六十壽陳子乾初為之記亭中雙

扉左右鏤一聯以寫亭之勝曰同道之朋五人六人竟
容爾坐空林之月來者去皆常入吾亭亦陳子所撰并
篆裏文內外字視如一無異文字中空而板不斷遠近
觀者更詫奇絕
東隅子旦亭在枕濤庄內淮陽公六
十時以廣代瓦門聯即先生所撰今尚存
璋案是亭作
于天啓丙寅至崇正丙子元五移構池臺之上故曰遷

耆亭隱古樹就月上荒臺編葦存初制鐫文

二作聯

送獨裁路

刪今歲竹牕見舊時楸深夜聞清吸常疑丁令回

見沈氏注

其二

亭高羅諸勝夾嶺半松篁欺屋簷微赴親堦荷菱香酒來明月過人去白雲藏此亦神仙窟矣為戀醉岡

九日登秦望

癸未 見沈氏本 紹興府志秦望山在府城東南始皇嘗登此望海故名

九日欣初霽攜筇使出遊豈知山上路猶湧石邊流跣足行

千嶺迴眸俯萬邱歸來誰最念脯酒餉東樓

本注先生遺我脯酒慰問勞頓

其二

秦望天邊迴諸峯莫敢爭乾坤秋暮濶景物雨餘清浙水真

衣帶鷺山直弟兄

本注鷺山峙其南稱最高此與頡頏

中原頻北顧何日奏昇

平

邨居 丙戌

邨居无一事古馬日縱橫晚歎慙師友

本注山陰先生祝宵子開美同時歎節

征戚母兄愁心風雨惡病骨露霜輕不學鼓多咎無眠嘆五更

題欲爾斑竹杖

編年

又見沈氏集

知己天涯少空林忽遇君掉成龍尾執幻作豹皮文隨我行
秋谷綠谿撥曉雲終身如可訂自此謝塵氛

又題用前韻

見沈氏本

一節奚足貴漢使乃欺君凡竹誰非杖斯竿更自文節如龍
脊骨斑似佛頭雲伴我三山去長辭世上氛

春晴過張嗣留邨居即事效輓轡體

編年入丁亥

又

文苑傳

張標字嗣留崇正癸未進士國初官許州牧

丁父喪

盧塞讀書凡天官地志禮樂兵刑河漕田賦無

不畢

久客謝塵事乍晴訪隱居看花煩午餉撥雪翦春蔬馬鬣新

肝法魚鱗古地圖子臣无限恨郊外立踟躕

軍臣嗣留座右
有與圖較他本

獨悉嗣留更加考核用殊界之殊
便觀覽時閱一過相為慨然

春日攜泓兒過訪顧青城顧上玉叔姪水居值桃花盛

開編年 又見沈氏詩

暇日攜兒子言尋二阮家隄平環屋水墻出滿園花野色春
疇媚林烟晚爨斜豈能知魏晉終歲自桑麻

寒食雨不尋與墓祭

編年

寒食雨霏霏春祠州木肥遙知新子弟半易舊冠衣周嶺書
頻寄秦溪人未歸寸心誰解者綠竹自成圍

清明後二日 正韻

亂離何足道骨肉遠難歸大路滿豺虎頽檐正雨雷捺豚龍
樹杳視膳寢門違牢落虛廊下悄然步百迴

從茂堂集牌字

晚岫氣融暢泉亭獨掩扉病將多髮盡慵與此心違借地通
禪癖拈詩避俗肥夢餘芳徑寂竹樹暗層園

再飲木禾堂集字限韻

見沈氏本

深塢暑還靜茅齋舊半頽斷雲當牖入孤柳倚軒栽拋亂久
留客緣愁共進杯癡懷翻未足明月舞林隈

徐季長家園看棋同近思叔次黃石齋先生韻

編年又見沈

氏本 州志徐孟祺字季長壽州同知舊朋子侯正己
卯舉人儒林傳陳之問字令升一字近思贈大學士元
成長子貢入成均好讀書自六經三史以下丹鉛殆徧
從學戴山漳海兩先生尋其傳 明史本傳黃道周字

幼平号石齋漳浦人天啓壬戌進士唐王時官大學士殉節

故人家北郭花影接寒霄鳥踏雪中樹人行竹外橋老能驕
尚子高可避唐堯元事日相過何煩折簡招

其二

冉冉斜陽下繁花擁一宮美人眞世外明月似山中苔厚客
衣淨雪深一作清魚棹通殷勤掃石不語坐春一作清風

其三

林下一無事

一作無一事

殘書手數篇客來惟煮雪鶴在不謀田

晴滿開花日老忘種樹年隔溪春更好還擬放輕船

東隱龍生家樵

園三十畝與長
兄居僅隔一水

其四

百樹未開歇數株方發時茗煙留竹逕人語出亭池世事此

稀到吾心花盡知漫云歌白雪无乃媿瓊枝

東陽子評曰高極

龍園之游近思叔先有詩四章又次石齋先生光福觀

棋韻屬余和之會有客阻止尋二首

十里尋瑤圃嚶聲谷外聞賞心青楚路照眼白鷗羣

本筵同游又多

編素者日暝人開雪天空犬吠雲蓬萊如可到荒忽總輸君

其二

乾坤正蕭瑟此處忽逢春浩白如無地高虛不到塵水邊愁
獨夜天外想伊人卜築何年事塞茅可作鄰

糧長

去歲為糧長今年尚在身北漕催兌急南解趨收頻羸病途
中僕狼差坐上賓何時誇役竣蕭散作仙人

夜茂堂即席分韻

見沈氏卷

老友忽凋謝虛堂久寂寥

本選悼元五也

花猶開筍歲酒復醉今宵

本選先一日諸同人
有黃山之會

世事殘棋罷年華短句消方慙投瓦礫遽

辱報瓊瑤

本選孫幼安于席間閱余舊稿先有畧句見贈司
東隅子評曰與志士淒涼二句同一感慨

己丑正月過徐季嘗齋晚話

編年 又見沈氏本

古道茅檐下春風又一時
病隨殘臘去詩共老樵奇
瘦骨如存傲攢眉未覺癡
聞君今夕話勞我十年思

無寐

正韻 編年

衰病難為道可憐秋夜清
彼蒼詎易曉吾學豈常惺
月色疑天色鷄鳴似鳳鳴
怨咨徒自爾長夜幾曾明

勉慰

庚寅

兩兄皆白髮老母更高年
嬾既靈魂盲兒還瘡鬼纏
未能弛戒懼何敢妄憂煎
惠我此衰骨優游且任天

生日 十月初七日 編年

為兒稱最幼五十已將過人謂生空賀吾慚恩未酬淚澆

中墓艸

（五豆）先塋昭穆有吾兄弟之穴故以稱今秋墓祭兩阻于家以吾生日補之

笑奉北堂甌

藹藹兩兄侍蕭疎盡白頭

過近思叔齋

平月初九日

編年

兩月偷高卧懷君一出門菱荷凋石砌橘柚老霜園人事閒

中廢吾身病後尊遲迴叩竹杖共我傲乾坤

過丁表兄園中逢諸舊遊皆醉不能歸同宿故館

平一月十一

五夜 編年

病起躡人境相逢舊雁行月當今夜好興似昔年狂君欲歸
何處我能醉幾場行行復留止重此話連床

酬丁氏兩表兄

丑六日

一編年

又見沈氏本

白髮憐中表蕭然盡老鰥夢魂衰亂後情事別離間樽酒未
當竭園蔬正可變相逢非所意風雨不能還

雨渡錢唐

丑辰

（韋案）公於是年三月至山陰弔劉先

風雨出嚴城天邊一渡橫漂搖憐主僕喪亂魂師生道自稽
山重身從湍浪輕悠悠千古恨不與暮潮平

九日和許大辛五噫亭登高詩

其一次元韻
又見沈氏本

編年
州志隱

逆傳許齋字大年邑庠生祀山先生元孫父令瑜自藏
山之教遠被海昌齋共一二有志之士遵人譜為省過
之會競相砥礪生平落拓高寄不問家人生產屢空晏
如古文峭折如柳州詩有江潭澤畔之意器宋所南翁
自号錢函子許譜元忠公歸隱時幽憤元聊仿伯鸞
五噫歌以見志遂築五噫亭亭在翠薄之上題其扉曰
樂元知杜書一聯云一寸有天懸日月九州无地
哭山河亭三面皆懸東南隅落扉南累石為壇

危峯舒遠望萬里係愁思風雨孤舟客乾坤老病台主人元

事日山館放花時語笑雲中靜天香落酒卮

本建時麗京冒雨至

其二

溪山真秀絕野客亦悠哉竹杖携脩嶺桂花開滿堂豈知烏
帽落還望白衣來潦倒誠吾事賡歌愧爾才

題蔣園次壁間張元帖詩韻

見沈氏詩

蔣園千樹橘斜日照玲瓏客坐霏香霧估航販遠風有池揚
錦鯉无路到花驄獨與於陵子時時嘯隴東

事廷謂
時夏也

尋陳時夏郊居

見沈氏詩

猶識城陰路蕭條處士居香柑霜後圓鞭筍雨餘羅褲子論
文罷山妻釀酒時故人來正好把盞看新詩

其二

喪亂何堪說睽違不記年秋藜今日暇桑柘晚風前白髮雙
親在青緇諸子傳天涯吾羨爾還擬放秋船

閏月初一省母陸姊家倚竹園納涼竟日

家傳陸節母文學覺庵公

之女幼即許字彭澤陸處士允忠既歸而處士喪其居節母賃桑而蠶栽棉而織久之積金數百緡處士落拓負逋亦數百緡不使節母知比殁知之則曰奈何而使夫子負逋以殁也爰盡償以所蓄撫妻子如己生早物則又曰奈何而使夫子不血食也爰嗣姪濟為之後且拮据以成其家節母與同懷弟乾初先生幼同學故其志行絕相似

朔日朝慈母清風姊氏家老桑十畝蔭新竹數行斜標水烹

无盡荷塘話正賒依依忘却暮歸路滿紅霞

韋素是詩以閨致之當在癸巳

立夏前二日集韻弦山樓

別業臨幽澗清風屬舊家天人還有策兄弟總堪誇百里文

星聚千秋道業賒春光纔兩日長自嘆年華

秋水 癸巳

秋水瀾瀾遠愁霖黯未開孤邨天際沒危砌耳邊頽禾稼无

消息人民斷往來不堪憂思甚

元作杞人憂正劇

宵夢雨聲回

東山看女歸示翼兒

重讀世琮讀緒弟義緒子字典瑞号八公郡庠生娶廩生陳道永女

子三諱光字光觀光女一通陳克璽

乾坤衰鬢在兒女病紛然風雨山中屐昏黃野外船而

元作

翁誠僕隸石老

元作倉長

豈神仙願養看王母優游大壑年

元作翼兒

近服張石渠藥

過吳仲木新齋

編年 又見沈氏本 宋蘇東靜志居詩話吳審昌字仲木海鹽學生負肅公

次子也師事劉念臺先生與海寧陳確潛夫桐鄉張履祥考夫講洛閩之學卒時母喪未除遺命以衰經歛從

弟謙牧字衷仲亦補諸生居母憂過哀年十喪次里人並稱為孝子

半歲山中別深秋海外過道心負介石病骨傲霜柯架上書

方整人間事正

見作尚

多閉門詎易尋消息近如何

訪定海張子游辱寫小景賦謝

編年

又見沈氏本

海上逢新霽城隅訪隱淪魚桑家

見作身

計穩難添旅情親白

賁道无咎丹青執絕倫吾衰真可媿夢寫向何人

訪蔡來老

編年 又見沈氏本 楊園先生集楚人蔡來雲客遊至龍山諸友館於許子大亭之山

房及其室家歲致薪米以終其身此沒而為之輩許子復為之銘其墓而傳之。璋齋蔡子名沛字來雲貴池人

東海尋高隱蕭然屢空餘衰年千里客茅屋一床書傲骨支天地清風照里閭日斜攜手出恰是脫潮初

又題徐炯一西園

編年 又見沈氏本 前有五言古詩一首題徐律之園居見卷二 兩

志隱逸傳徐孟銷字炯一父伯衡文行卓然學者稱然海先生孟銷自幼為名諸生遭亂棄帖括潛心慕古疎眉正目方貌冲懷長埒歸查而棲迎養終其身視弟子如子

仲也同遺世優游意更閑垂竿向枕後把卷出林間穉子方能笑慈親尚勉食小人亦有母懷橘不知慚

過徐有兼邨居

編年 又見沈氏本

頻年違舊好偶復過郊居良友貧如故諸郎慧有餘清風庭
外竹細雨沼邊蔬白日真堪惜蓬牕一卷書

冬夕禪房張元祐孝廉見訪

編年 又見沈氏本

日暮陰雲積蕭森逼旅人一燈禪定後孤院犬呼頻久坐知
衣薄空談塊客貧歲寒徵節概誰敢怨風塵

留宿惜字菴即事

編年 十一月廿七日

歲暮城陰路寒林帶晚煙履屐歸師出定燈影客離筵不歡迎
微夢忘歸身小篇浮生那可念行色野橋邊

古寺 編年

古寺嚴宵永羈人未敢眠遺書何日校大道幾人傳歲暮天
行迫時移物理愆訟人不自訟何以答前賢

次案頭韻贈東隱翁

甲午 見沈氏本
又号東隱

璋案童昭返

吾兄長病膝老力尚赴桓雨閣詩千首雲山杖一竿只知入
世苦未解出門難遲我申遙別溪風報客寒

山中別考夫朗思韞斯諸同學

興府志宋天麟字韞斯

石門賒學生特立獨行明末即棄舉子業務敦本尚質
性耿直遇越于禮者請讓不避事親孝遭父喪飯粥不
食哀毀骨立家貧舌耕以佐母膳值歲祲自啖糟糠必
求甘旨手調以進母所欲曲意承之年七旬如孺子慕

母年九十餘卒天麟哀毀如喪父時

百里同人聚空林物外家寸心千載上短髮晚風斜道路訖
方甚鄉關信竟賒此生真可恨明日又天涯

登祝虛齋先生祠樓望海上諸山

見沈氏本浙江通志祝莘字維貞海寧

人成化甲辰進士授刑部主事改工部從徐侍郎賁治
水吳中發卒二十萬綜理有方士卒樂為之用進虞衡
司員外郎嘗上疏親禮儒臣以資啓沃詞甚愷切不報
乃疏乞歸養正德壬申起為陝西提學副使進廣東左
參政遂解官歸劉瑞撰墓誌公氣質清粹學本于敬而
受之以虛因号虛齋杭州府志廣東參政祝莘墓在海
寧妙果山明浙江巡按洪珠題祠額曰虛翁州志祠內
舊有講堂里人德公減西湖加派肖像祀之

叢桂香猶釀虛堂迥自清白頭慙後學短褐拜先生東浙紆

青帶南山列錦

兒作屏

千秋誰著眼林鳥日嚶鳴

懷諸同病

并序

（見沈氏書）

山陰劉伯繩兄桐鄉張考夫兄泊澈湖二吳子既皆善病不能數相往來每為悵然而余今年十月一病又復踰旬未已病中懷我諸君子益甚因成小詠各書一紙寄之

（璋案）

劉灼字伯繩叢山先生子（見聞錄）壬辰冬予至山陰去先生殉國已七載矣伯繩遇飲食輒感然疏布如居喪之日手輯先生文集語錄撰年譜二卷數易稿字畫俱精楷目為損明予勸之曰得毋不勝喪之慮乎伯繩曰不敢吾大痛于心不忍食也必不尋已則異日當如教耳又案二吳子謂仲木衷仲兩先生

風雨靜邨廬交遊盡日疏寒賒通夕夢閒揀隔年書貧病无

慙爾癡愁未解余（本注謂）能憑尺素千里致相于

臥病 編年

不堪長臥病人事日蹉跎書卷紛紜簪衣典質多有懷秋欲
盡无夢夜如何牢落餘生在因風一浩歌

其二

從知天道遠身世轉茫茫農怨秋冬雨官催南北糧歲因貧
士迫夜為病夫長順受吾何憾隨閒揀藥方

鄔天則見訪賦贈

（東園錄）鄔日強字天則一字行素海
盛敬浦人性至孝行已淡然无營與

兄子躬耕養母暇則授兄子及子書發明大指不事章
句之學屋室止一間兩被客至中間臥起寢寤室即在

其翁隔一破壁母妻子女共五六口肅然不聞一語若無人之室

澈淑安貧者泥橋訪病夫裏言承厚德方藥藉良圖北道司空廟南樓高士湖往來知有意麗澤昵諸吳

寄懷吳仲木兄弟

見沈氏本

荒邇吾臥病危堞爾離居歲晚頻相憶人歸一寄書祠田秋雨後至室曉霜初不盡踟躇意臨風歎友于

贈吳衷仲賢者

見沈氏本

嘉興府志吳謹牧字衷仲中丞麟瑞次子髫齡以五經補學官弟

子隨棄去遂于性理之學者五子析衷及困勉齋集學者爭傳誦之遭母喪哀毀如禮比室嘔血數升卒人稱

或孝

吾兄天下士落落古為徒讓國吳公子成家宋大儒典型羣

廟主道業一門孤

本注吳仲諸從兄暨諸猶子並留心古學而皆失怙

歲晚南山靜披

羊釣兩湖

冠作四海同光被元忌及老法

言行見聞錄

吳衷仲兄孝廉晉書早年二孤俱幼中

丞公繼捐館舍家門凋謝禍亂方殷衷仲年十六七

內奉承顧安人外率導兩姪能元闕失弱冠遂棄諸生業奮然有特立之志衷仲復不承兄子曰變字汝

典好脩總家政

兩子亦賴之

寄懷張元祐聘君因索所留易鈔

編年

又見沈氏本

江城門巷古函丈屢屨

今作屨

聲遲龍哀何心補羊裘自欲披詩

元刪後格易向畫前親編章知三絕郵封幾見遺

龍山祝二陶子霖偕無相師遠顧不飯竟去小詩寄懷

見沈氏本

祝謹沆字什貽号鯤濤郡庠生滿字子霖邑庠生澍字子咸郡庠生以子翼權貴贈承德郎工部清吏司主事洪字王訪郡庠生並淵之弟

病骨老峻嶒幽眠恨未勝夢中來二妙物外竝孤僧鷗渚欣
初狎龍山悵晚登不堪頻遠望寒靄正層層

老友張石渠見訪賦贈

見沈氏本

病臥荒三徑幽尋枉一舟清風窮里巷白日老朋儔冰雪心
猶在雲霄志未酬終當採藥去長伴赤松遊

查石丈許欲爾鄔天則重過

前一首見沈氏本

風

廿里寒塘路扁舟去復來殷勤諸子意寂寞故人杯久病吾
還適新愁爾未開山中如有約消息待園梅

其二

淪落天涯士高言靜

元作滿

一齋文章違世運杯酒負吾儕白

日无停取清入遠懷寥然千古意寂寞竟誰諧

許大辛過訪是日余能起坐

編年

又見沈氏本

薄暮枉公子相尋廿里橋道風驚末葉世澤悵前朝爾自貧
非病吾當老更驕坐迎曾不媿懷古復嘒嘒

東近思族父

見沈氏本

自昔慙同學於今悵獨居衰年長伏枕長者屢迴車東郡尚
書第南州高士廬本建叔久徙洄塘徐氏今復遷武原鄭端蘭公故宅好從詹尹卜去
就定何如

乾初先生詩集卷六

海寧陳確著

族元孫敬璋編校

五言律詩二

夢中詩 并序

夢秋月皎然獨行山谷正吟思間忽聞度曲聲幽韻可人
循聲而求之乃是老友張石渠使童僕坐石而歌備有一
人傾聽亦常謀面者覺而忘其姓氏矣童僕老訥未嘗知
音又越人安能為吳音耶夢境之善訛乃爾又前兩聯初
入十一真韻猶憶韻聯云明月如寒水高梧儼丈人夢中

知為落韻復改之蓋緣前兩聯先成後聞歌乃續成之忽
轉先韻因念易利見大人人字叶然豈是耶然卒改從後
韻也

秋夜迴無寐獨行寡所緣疎林儼甲士微露冷嬋娟忽若聞
遙唱謫如撫靜弦即之乃舊好莞爾遂忘還

蚊障

并引 編年入丁酉

蚊障破極頻歲翦紙補之乃昔者吾友陳季邕所遺高麗
紙也隨破隨補隨破戲題二律

韓愈李邕名和鳴又
字羽聖彬子子色諸

生公為撰傳見文集第十二卷

如何拚不備十萬竟長呼恃陋應懲昔脩文豈效虞聊云當
一面還突用三驅之子詒謀遠頻年捍老夫

其二

藐茲憐載內闕陷豈無之山甫脩龍袞媯皇練練絲古今人

未遠愚智性難移黽勉慚師訓空留光祿詞

本注山陰先生稱周寧字光祿

言學者補過要如以新布補舊衣更加堅固方永無破綻若只小小補塞何濟于事

改未兒作

貧家風味好破障亦堪題薰黑供多口朱殷漬一棧右文還

上策不藥尋中醫

本注吳俗喜用蚊藥

聊挂北窗下裁皇若可齊

山中次吳衷仲韻編年入戊戌

春來無一事長自感嚶聲潦倒逢今夕蹉跎媿此生淚紫南

浦樹

本註仲木之莖在漱湖衷仲感而作詩

夢繞北山樞

本註衷仲之別業

迂僻老還

甚何時嘆合併

其二

檐風吹短褐牢落不勝情說俗懣山衲談經迂友生習心良

自困古學豈難明滕口徒為爾揚鞭趁遠征

臥疴山齋徐子孝先以詩見懷依韻奉謝

編年入庚子

白首真無賴山齋盡日屏苔蹤秋寂寂雲卧畫冥冥新句如

投劑沉疴若頓醒和平君子志豈不貴神聽

重九日補年

庚寅吾病劇母至自重陽白髮垂見面低言貼枕傷十年曾
轉眼此日幾迴腸花候猶叢菊如何酌一觴

雨阻破山次張仲張早春詩韻

補年入辛丑州志文苑傳張英字仲張幼有

聖童之目博綜典籍著述俱有根柢康熙癸丑進士出
桐成張文端之門適中書科歷禮戶二曹以僉事提學
廣東將之官丁母憂歸

風雨歸颿倦山齋未掩門叢蘭圍客坐脩竹遠人邛詩句春
箋滿交遊古道存癡迂忘老態把卷日高論

遊棹園 歸年

聞道周園好相思二十年來遊春雨後信步晚子作花前洞
窅然無路林開別有天主人無箇事散髮傲神仙

辛丑六月從祝眉老避暑曷公山寓蕪懷管友見遺老
高風

州志隱逸傳祝洵文字眉老補縣學生脫更名遁自号
山臞有崇山樓詩集洵文目擊時艱留意司馬諸葛家
言預籌國事皆奇中既而晦迹海隅與執友陳確諸人
入黃山講性命之學體驗劉山陰人譜晚更仿沙社遺
意邀故將軍邛上儀集隱君子十四人為詩酒之社計
社中年歲名為十齡集年七十七元疾而逝子翼康字
子夏亦能詩詞祝譜洵文為士瞻公守範第三子又号
稼軒邑增廣生卿飲大賓私謚文惠先生生明萬曆丙
午卒康熙壬戌

蒼崖千樹合小閣一溪迴靜者空幽寄野人何處一作來百

壺誇茗量三復嘆詩才惟念開山者一作山中叟藥雲去不回

禱雨未應感賦用前韻

遺老高風下又有呈眉陽二公

老夫

一作公

忘却跋遠道故遲迴

一作紆迴

既向龍潭禱還從嶽廟

來炎風

一作感

胡乃甚纖雨亦云才天意渾難測微誠詎可回

和曷公望雨詩又用前韻

遺老高風下又有并呈眉兄

天心元子愛雲氣尚遲迴海水東南沸巖風西北來澤賒高

座望賦擅大夫才我亦同齋禱跼蹐未敢回

山中呈眉老

編年

又見遺老高風及沈氏本

論交三十載松閣更連床生事同兒戲衰年共

一作母喪汲

山口作

惟有石歸路已無航慘慘歌雲漢周餘重可傷

次馬蜚生桂下詩韻

良朋時萃止散髮憇中庭愧我頭先白多君眼倍青香風杯
際滿酒氣坐來醒莫漫憂鄉國猶聞直歲星

其二

落照牆隅在天香韻晚庭雲輕人共碧花滿樹无青儉歲貧
非病高言醉亦醒且當歡此酌華髮已星星

次韓石耕東垞菴詩韻

見沈氏卷

溪山叢桂好鬱鬱已成林
蘊藉三秋氣檀藥十畝陰
松間逢坐爽溪畔想行吟
此夕無辭醉何時更抱琴

又次中路詩韻

長年賒勝賞此夕愜幽期
未共清晨步還成昨夜詩
野人元有約山客更相攜
始覺往來悞何嫌歸去遲

蔡養吾喜抱新孫醉以贈詩

何志義行傳蔡遵字養吾
疎中城惡負氣一往人避

其銳與祝淵陳確友善淵死托以二孤周旋艱險不負
始終偕確幽棲談道率二子耕且讀預知死期不與尋
刻二子冲洞皆溫恭好學而早卒
璋案公為撰傳見
文集第十二卷

十里晴溪杖東山看蔡孫
定知鍾嶽瀆還望盤乾坤
三世珪

璋秀千秋七尊遂成今夕醉慚愧老通門

道鶴山瞻祝子墓書感

（許志）舉人祝淵墓在管山陸圻

撰誌銘（璋案）今所存墓誌乃朱孝廉一是所作並無陸

圻撰文疑志有誤抑當日本有陸文而佚之耶又（許

志）管山在白鶴山西一里高四丈周半里（案）鶴山當即

管山以音相近而異其名

玄霜摧木葉山色入寒蕪獨愛青松好還憐白髮孤當年攻

僞學此日憶真儒為問徐君墓延陵劍有無

（公自述）年來辨學多先友意中

之言今更默然

輒復自愧耳

次曷公過董穉升西齋詩韻

董子耽禪寂秋來許叩關
家園衰亂後杯酒別離間
逸興雲

同遠癡心石共頑獨歸無个伴明月滿松山

六月初二日偶書

癸卯

無言垂白首長日意如何辟俗朋儔少憂時老病多物情從
變刃歲事竟蹉跎生世同駒隙悠悠幾耐過

久旱

庚卯日記六月十一日作

編年作久晴

久旱憐茲夏奇荒怨昔年人如重病後家異屢豐前還憶冬
春雪空犁早晚田祇應懲老劣稽首謝皇天

又詠

百記六月十三日作

編年

赤子空无皁皇天詎不知連年還旱酷瀕海更艱危哀病難

為道災荒竟莫支一身如可贖萬死又何辭

懷慧師

編年本注是時就凌貞侯鍼寓李靜初山樓慧
懺法師過寓樓同鍼相對終日庶不寂寞

記七月初三日肩輿至硤借寓李靜初山樓初四日用
二十一鍼貞侯之弟康侯亦過趙事甚殷兄弟過情若
此吾何以報之是日慧師過寓同鍼初七日作詩一首
懷之又酬靜師一首又贈凌康侯一首

老去憐同病天厓共一山道心三宿後蓬髮十年還身是浮
漚影魂疑夢寐間師能演上乘何以啓衰顏

又題寓樓無酬靜師

初年

餘生何足戀衰病未能勝世上誰相識天厓一老僧香厨鐘
後飯寶閣榻前燈豎子應宵遁膏肓未許憑

贈凌康侯

并序

編年

癸卯之夏凌康侯寓暨硤山硤人頌之不翅口確未及謀
面也一日令兄貞侯過敝里憐確病廢約入山鍼治坐未
定即命僮招康侯康侯寓亦多病人棄之而來趨事終日
雖貞侯兄弟之盛德不鄙庸朽繆相引重顧確則何以當
之嘗笑世人脩飾邊幅即子父之間莫肯假借康侯雖趨
兄命乃擴然無我至此此真是大聖賢種子苟充此心以
往何患不到聖賢地位確與康侯同行

並居第四

恭兄之禮愧

不及也貞侯兄弟之鍼不惟砭我身已深入我心矣喜投

一章以託永好 翠蓋是序元集不載今從日記中鈔補

衰病无能藥從師到破山鍼傳六世後倫序八元間 事註同

康侯居四坦易人誰似友恭吾甚慚已知砭入骨頭白幸追攀 本

貞侯兄弟鍼術固神其友愛真率尤為可羨吾甚重之

避俗 并序 編年

山門演劇適當寓樓吾避劇過慧師師方經營法事百役

具興无一刻之暇笑謂我云觀子神情絕似歲夜看忙或

問戲忙懺忙兩忙是非余笑會曰將无同 日記七月十一日

辟俗來山寺山中底更忙劇臺通夜火齋閣接天香似令飢

人飽本注士女日夜聚觀幾忘寢食矣還教早歲獲神功如不簿我亦願輸

將

贈陳貞倩驕年又見沈天本日記十一月廿四日

房廿九日訪陳貞倩兄弟出錢唐門掉小舟由清波門入步而歸十二月初一日陳康侯過訪初二日貞倩使其弟康侯具棹湖舟相待貞倩病足不能用扇頭韻贈之

羨爾難兄弟同登百尺樓寂寥尋郡寓辛苦說鄉愁本注兩昆皆曾

贅居吾里時遲叙其事故也煙際浮寒艇天厓戀蔽裘卜鄰如有約相待

海東頭本注康侯仍有意鄉居

登祝氏東樓懷二許子帶辰日記正月十八日與禾兒放舟入山先過祝二陶宅登東

樓懷二許

子有作

春日思吾友晨興感雪天命遊南澗曲還阻北山前孤閣雲
霄迴群峯几席連緬懷元度勝絕似剡谿船

和弟孫春鳥未春鳴詩十首

并引 編年 日記 自正月十三日始作至三十日

訂分上下篇

癸卯十一月余在郡城已聞春鳥聲欲賦未暇臘月弟然
歸自澈有詠春鳥詩以春鳥未春鳴起韻欣然和之弟孫
時年八歲

春鳥未春鳴未春鳴更清數聲疑小鳳百轉似新鶯空谷啼

殘雪寒林弄曉晴
穉孫貪改歲誤書是正

石見沈氏奎

其二

春鳥未春鳴嚴宵月尚橫
枕邊聞絮語窗外變鳩聲
知爾情多甚憐子夢不成
儘教同孺子廣和到天明

其三

見沈氏奎

春鳥未春鳴俄聞遠樹聲
啼寒非鵲舌警旦豈蟲
死字字諧鍾呂時時雜
管笙更憐霜月下新調絕
淒清

其四

春鳥未春鳴新喉學乍成
依稀三四月迢遞百千聲
路轉清

鑾遠山深古梵輕形容猶不盡白雪調誰屑

其五

春鳥未春鳴河邊遠韻清小窗兒女語空谷友生情幾向山
中臥長聞樹杪聲老夫堪卒歲詎用聽雲英

其六

春鳥未春鳴吾衰興不輕頻攜荒野杖細聽隔林聲候似迎
三夏音同奏五韻朔風吹不斷老耳日盈盈

其七

春鳥未春鳴寧同始夏聲鶯花真俗調雪月足閑評縹緲空

一七 徵客吟發

徵客吟發

宵句鏗綿卒歲情那知搖落甚風韻轉高

其八

春鳥未春鳴隨風斷復迎當軒一曲好隔院幾聲輕玉

中磬銀鏗月下箏

元注示客上聯輕好二字

歲闌无箇事敲枕聽幽清

其九

春鳥未春鳴絲微寫不成縷縷晴雪細款款曉風輕鴻雁霜

中侶鸞皇霄半聲

本注氣寒則清聲遠則細亦變承上聯意

誰能傳此曲獨與孺

歌并

其十

春鳥未春鳴鳴聲巧復清清疑兼徵羽巧絕過優伶郢曲方
三變虞韶更九成餘歌未闕嚴閣正嚶嚶

春鳥下篇

并引 編年

後十首率多感寓故別為下篇猶詩之有變風也

春鳥未春鳴哀年聽

一作耳

豈焚歲還淹舊臘時復絮殘更底

事啼難了如聞訴不平多言非美德无乃學縱橫

其二

春鳥未春鳴將無卒歲營繁多詎

一作是

早已曲折豈非情殘

月啼相別好風靡與迎應酬殊不減似亦嘆勞生

其三

春鳥未春鳴憐同伐木清幾時曾出谷
無處不披荆惟覺友聲苦安知神聽平
吾園畧已盡還共爾丁丁

本送癸卯之荒
禍延林木吾伐

園詩有云坎坎林聲悲散枝忽以疎者是也
幾樂詞庭逆驚魚鳥音殷未殊憂樂已變與伐木之旨異矣

其四

春鳥未春鳴無端感弱嬰三冬原足用
一旦轉相驚落落晨星在朧朧旭日生
此聲殊不惡起起檢書囊

其五

春鳥未春鳴唯唯似不情已教宵夢斷
還使歲愁禁心事憑

誰訴風霜共爾更洵為同調者詎肯逐繁榮

其六

春鳥未春鳴霜天漸欲明何當擁褐聽不盡繞園聲

〔本注〕窮獨之感

琴瑟諧夫婦塤箎樂弟兄白頭應愧爾長自恨生平

其七

春鳥未春鳴寒林雪正晴花還賒上苑聲已到茅衡

〔一作〕豈楹

不知王臙將無改夏正微禽先早氣憑爾說分明

其八

春鳥未春鳴風飄幾疊清巧窳穿柳葉香只嗅棋英蕭野殘

冬後候皇州初夏聲好音徒復爾肅殺未全平

其九

春鳥未春鳴空山正友聲定知時暮感金縢歲寒盟清旦元
酣寢殘年有邁征晏安良予毒重荷屢申明

其十

春鳥未春鳴翩翩不世情孺歌聊可答老白亦全傾人物同
吾與祖孫共友聲漫書酬阿弟兼寫示康甥

入山看樵

并引 編年

二月初七日始有晴和之色放舟入山問欲爾山中樵尚

何如欲爾言今年謀事絕勝此時正佳但恨山中有棋吾
胸中無棋耳余云何至於是未若老人邛居無棋胸中時
有棋也遂相携杖縱觀浩若銀海追憶舊游忽忽如夢
又登周都司嶺江南諸山歷歷可數主人謀酒於婦新釀
尚未成釀冬釀又未上窄乃漚糟而飲飲生酒頗醲不覺
小醉因次前東樓詩韻

寂寂山棋好風光二月天可憐兩垞勝還似十年前暮色雲
相亂春遊日復連胸懷殊未敗重擬放溪船

翠薄看棋大辛見招不果往

并引

編年

初八日大辛過懷新堂同至翠薄看棋棋絕勝亭前二樹
尤古淡可愛又同至枕濤大辛邀至其家因風大不果往
永白設齋

昨日看棋處今來看復佳偶違良友約又喫老僧齋深塢花

如海香厨酒似淮

本注適有人遺永白酒甚富而旨

白頭潦倒甚顛筆更書

懷

三月初二同葉靜遠張子敬出郊閑步道經屠子高幽

居漫賦

夢時留半邊錢雲士齋

編年又見沈氏

郊行經水曲垂柳子高家竹徑春遊掩

本注子高父子俱出外

溪橋晚

渡斜犬迎攜野杖人見出牆花洵美幽棲處深山未許誇

又贈靜遠

編年

又見沈氏集

廿載同門友相逢半白頭饑年千里駕暇日兩湖舟把盞元
留語談經恣冥搜異同慙未泯寄托並千秋

大辛過示新稿

百記又六月十九日早八公來大辛爰
立亦至大辛示新稿至晚別去

綠野初秋候清風小巷偏艸堂能信信菜飯只年年衰病老
還劣饑荒劇復連憑君相慰藉文筆更蒼然

簡懷夢弼大姪

編年入乙巳家傳有永子穢世字夢
弼号鼓濤邑庠生

白首憐同病胸懷未可言悲傷鼯鼠穴

本注吾傷先
墓之淺露惆悵脊

令原官稅交秋夏尸癸念蚤昏達觀誠未易姑用解愁煩

其三

大易教懲忿尤宜愁病時至愚惟僕婢不及並妻兒只可從
寬譬還須學假癡安心即良藥何用訪明師

其三

吾持不食戒凡病即行之重且蠲湯飲一作藥輕惟進粥糜可
為操要道奚翅具中盤多少時師手常常悔莫追

其四

汝衰一作顏漸類父吾病竟同兄誰似前人好都元一事營至

今思孝德是處有深情
邈矣吾爰立賢哉莫與京
公名牧号

鳳師南齋漫書 歸年

久負山中約還辭湖上遊
本選兩甚不能赴漱湖之約 留荒常浹歲風雨

更連秋天豈忘黔首人能恕白頭淹留竟何謂長夜引清甌

和弟孫豐年謠

垂老遇豐年年豐更可憐
長賒五月穀不直半文錢
心內徒然矧眼瘡元未痊
童謠亦足痛何以訴皇天

庭東偏棋花盛開移榻就之 見沈氏本

老來還好事移榻近棋花不飲供子賞无眠逗遠飽病憐枝
共瘦倦笑影同斜知己吾惟爾中宵伴月華

陪老姊賞庭棋弟孫呈賞棋詩用其韻

竟沈氏体

纔餞臘前棋春棋又盛開香因露氣貯皓若月明來白雪誰
先唱斑衣故繞臺獨憐老姊弟花下共徘徊

午後出游鄰家

見沈氏体

扶病行郊外春風季月天板輿桑陌穩邨茗竹爐鮮紅霧圍
桃塢黃雲界菜田無私惟景物欣賞野人偏

補遺

宿東樓

見沈氏本
〔本注〕東樓許欲爾所居之拜山樓也昔年嘗携亡室避亂于此庚寅五月欲爾見

招信宿此樓慨然有作

〔詳請〕拜山樓在兩垞之東南

山逼戶勿障之東峯環拱差遠門向東以收之為樓曰

拜山日夕吟咏嘯歌其中門內一楹方丈曰五畝宮循

溪而西曰雀巢曰棋潭

一片東樓月蕭條異昔時三年真是夢信宿忽成癡不寢思

晨儼長飢憶晚炊徘徊以終日襟雨咽前墀

乾初先生詩集卷七

海寧陳確著

族元孫敬璋編校

七言律詩一

夜宿枕濤莊

甲戌十月 見沈氏本 瑋余枕濤莊在東垞以濤殿日夜吼枕上故名

山園勝事日蹉跎不意今能襍被過諸友社規
秋後減老僧禪課夜深多池臺新潔通幽步
顧月空清發見作浩歌臥向東窗忘却曉人間紅日上松柯

枕濤莊晚興

見沈氏本

昨日晴和今日陰煙雲晚漸逼寒林老僧已抱圍棋待古

樹何彩檐影侵茶沸竹間常自倒文成花下獨高吟落紅恰
點驚人句千古知音向碧岑

寄謝社中

并序 見沈氏本

余遭七兇之變社中友擬醵金為余拭淚余病不能飲因
為詩一章以謝之又感太白詩謂舉杯解愁猶之以刀斷
水盲哉斯言此非愁人不能道水流日急豈刀可斷若能
以不解解之則愁與流水俱逝矣

午夢醒來雨乍收故人一札置床頭家亡兒子身初出路受
風寒病未瘳老母面前不敢哭相知酒後易生愁如今新學

忘哀法莫漫移尊動悵惆

春日同鮑有鄰鄭聖治許元五斷橋晚步喜遇漚客師
同行而聖治常作詩容走此徵之

見沈氏本 丁丑

高湖上

璋案是年公至武林

勝及酣餘步出亭歸僧林外喜偕行春風湖上隄新綠明月
雲中天半晴久立添衣知酒薄同遊元語悟詩成一燈殘火
山樓隔聽尋高吟幾句清

斷橋感懷

見沈氏本

十二年前坐斷橋清風明月夜吹簫調高和寡意常得船散

湖空興獨饒白髮故人頭上滿紅顏昔日夢中遙如今又讓
他年少畫舫笙歌醉徹宵

韻註老人傳乙丑孟秋之望月明如水老人與余坐
西湖之斷橋老人發歌而余次洞簫和之時橋上下
游者數百人抗俗士大夫喜醉歌嘗紛沓譁驚于柳
橋之下然聞余兩人和歌而醉歌者皆止肅然拱聽
踰時而歌畢數百人同聲稱善余兩人勿為謝竟起
聯袂以歸旁若無人者

四遊西谿詩并引 見沈氏集

余遊西谿三矣丁丑春寓湖上無日不念西溪一日蚤起
索飯作遊西谿狀竟以無同志不果而許翦嘲我曰西谿
之遊樂乎余應之曰樂遂有四遊西谿詩也

春晴每日念西谿
簡寄城中約舊知
路繞松杉施薄蔭
身辭車馬愜幽期
杖頭錢以看花盡
山後行因尋句遲
歸語老聶洵不信
今朝樂事勝前時

其二

頭上雲開林半晴
谿風松鳥亦逢迎
春園新筍向空出

一作出人

古寺香龕倚晚成
襟別五年枝更老
山行廿里足猶輕
歸來明月西湖上
鎖屋烟嵐幾樹平

斷橋步月歸途有作

本進時憩古墓就石臺索飲悠然成吟見沈氏本

柳深湖豁雲辭天
小艇藏歌聲杳然
足倦未歸石可坐
身寒

無賴酒為緣
松針刺破墓前月
露氣凝平山下煙
醉去僧房
人事少
客懷爽
塏不成眠

荒臺晚坐漫興

見沈氏本

荒臺晚坐獨當天
古寺燒殘石磊然
繞砌老松能讓月
釣湖
小艇不辭煙
山前牧笛吹餘照
竹裏僧厨煮白泉
比歲城門
勤鎖鑰
西風楊柳亂歸船

東老董

見沈氏本

璋案是詩刊入朱氏明詩綜

作大字

春風亭子雨迷離
旅意

明詩綜作思

紛紛憶舊知
別去好山遊幾

處倦歸蕭寺記
何時期君南閣樽
前話看我西湖隄
詩莫謂

作六字

兩人容易見

明詩錄作滿

頭白髮已如絲

懷韓子有舟中

見沈氏本

韓子窮途性所安中年遭亂歷諸艱奇謀落落憑誰許散

蕭蕭空自還一葉破舟連夜雨半衾殘夢幾重山春風道

能相憶獨立蒼苔抱古杉

東隅子評曰一葉一聯殊難為懷

東樓

見沈氏本

東樓近水見漁桑霽後邨晴綠幾行久客歸家聞琢句新園

尋主看鋤荒筍非成竹呼僮取酒及花開問婦藏伯仲春閒

能襆被夜深風雨話連床

本注樓通有二榻因思蘇氏連床夜話之惟鹿鹿風塵春將云暮未

知月內昇
遂此懷否

其二

東樓坐久心悠悠手植園桑雨後稠
擲筆且隨妻子笑開牕
忽見母兄舟把書不讀自成趣
小飲微酣亦破愁鳴鳥歸林
催晚色出雲明月亦如秋

東隅子評
曰解以

題移居圖

并引

余於丙子冬移居泥橋之西許元五贈此圖遂書數語於
上大率自寓非僅題畫也

故居恰好近新居舟過泥橋僅里餘行李只勞兩隻犢家藏

惟見一囊書容人小徑無軒蓋飯客荒園有艸蔬雪夜相尋
亦可問竹林深處是吾廬

遊天池寺

癸未八月本誌寺在雲棲山背蓋今之桃源也

我游記余每日元事携筇出游徧訪林谷之勝而雲栖僧每為余言天池之佳所然徑往之出雲棲而右行緣谿流而北綠水小橋渡余而東則兩山如削中通一蹊僅盈尺不容車馬雖余一身猶斂衣而後行行二里始達天池又復開衍明豁另闢人境有菴可讀書有圃可種蔬於是始感而作詩

十里松陰山路迂幽人臥起步徐徐
艸鞋竹杖洵无倦石洞雲菴不忍祛
渡口小橋當阮塞溪邊百畝足耕鋤
四方感處吾安騁秋莫擔書擬卜居

讀錢聖月刪後詩有贈

本達時聖月歸省南東而余與祝子訪師入剡遂偕渡錢唐

秋游記庚辰偕硤川錢聖月渡錢唐辛巳入越城

西湖聞口晤君時惠我齋頭刪後詩匡俗僅存三百首賞心
應盡幾千卮明朝海上聯舟話累日山中繫夢思此去關情
全不薄人間猶自重親師

同廣福僧闇然登五雲山頂歸有感作此遺洪溟老衲

秋游記季秋丙申同闇然僧登五雲山背其半山為廣
福之藤園園工鉏石尋古剎數十丈不知為何代人所
築下訪白乳泉泉流涓涓謂宜築亭其上西尋具和尚
舊室居靜室樵圃數畝臨溪小閣无主欲賴全游有問
鼎之思遂成登五雲一章

上人攜我跨層峯，荆棘蒙茸不可從。
雲崖半開何代砌，松梢平受幾山風。
石泉夜冷空亭子，棹圓秋荒覓主翁。
自古勝緣皆有待，不煩父老哭殘鍾。

游雲門諸山

見沈氏本（通志）雲門山在紹興府城南，晉王獻之居此。（秋游記）季秋乙未偕祝

子入雲門山，偕樵風溯若耶，將至平水，舍舟登筏，飯于小菴。大率過平水而山水益奇，清流萬仞，百折生飈，層峯疊嶂，頃刻變容。余與祝子顧而樂之，丙申下山，偕雲門古志觀之。

山多名蹟未曾諳，袖卷雲門古志看。
僧許同遊頻指點，境當絕勝每嘆嘆。
蘭橈桂楫秋浮剡，鱸膾莼羹美夜入盤。
不忍遽辭明月返，微霜石上坐清寒。

平水東岳廟謝別先生

見沈氏本秋游記辛丑整書出山順谿流而下抵平水慰東

岳廟辭先生而歸勉余與祝子千秋大業期元負于一時相與之意言諄諄焉

撰杖從師到上方連朝風雨閉僧房澗喧流水山增寂坐對

清林語較長雲閣夜寒驚客夢

車這時先生連夜不安復而同學亦以寒疾亟歸

邪

谿秋晚瀉歸航千秋大業真吾事臨別丁寧不敢忘

歸渡有感

見沈氏本

學道歸來感慨多客游兩月變星河栖遲東海空攜卷擾攘

中原未息戈曉郭霜清單褐坐晚江風惡小舟過前途是處

生波浪咫尺錢唐險幾何

本建曉泊蕭山東門戒僕夫趨舟懼晚風之驚渡余笑謂險不在此

和韓子有詩韻 并引 見沈氏卷

甲申春正再渡江將至東關作書寄韓子有因和其四十
生日詩大率自悼非以壽韓子也蓋余齒與子有公

西望關門喟數聲乾坤何用此迂生四方多盜兵戈暗鄉土

頻荒粟米傾強仕漫勞登曲禮新詩幾欲附由庚 本送詩題久懸齋壁

不成一字幾化烏有今姑塞白耳 仙翁咫尺家東海何計隨君一步瀛

乙酉春日侍山陰先生 見沈氏本

春入江園花木芬山空畫永坐論文君恩處處游節適 本注先生

時南臺 告歸 臣節篇篇諫艸焚南渡功名諸將在東遷政令列候

分悠悠誰識閒居意盡日柴門鎖白雲

東隅子評曰時馬阮執柄四鎮分爭先生

退廢不用已知中興無望矣第三聯奇慨特深

哭吳秋浦先生

題沈氏本 本注甲申三月二十為齋先生死難乙酉三月十二秋浦先生憂

死補興府志吳麟瑞字思王号秋浦海鹽人萬曆己未進士授常州府推官崇禎遷九江參政極意撫綏擢方伯告歸後詔起偏沅巡撫時三楚已陷麟瑞破家募海上勇士千餘人促裝就道比至沅兵已并鄧撫矣遂回籍聞弟麟徵或難慟哭成疾卒弟麟徵字聖生天啓壬戌進士歷官都給事中城陷取酒與故人祝淵共飲因題絕筆曰祖宗二百七十年宗社一旦失之雖上有龍亢之悔下有魚爛之殃身居諫垣無所匡救殫用青衫單衾布席足矣棺空早歸恐繫先人之望茫茫泉路炯炯寸心瞑乎目者又不在此也遂自經淵為視含殮而去贈兵部侍郎謚忠節本朝賜謚負滿見聞錄吳忠節公與秋圃先生兄弟也萬歷戊午同舉於浙聞懼

太盛因不赴會試而秋闈獨往成進士馬越三載為天
啓壬戌公往亦成進士一時傳為盛事後兩先名業自
起甲申之變忠節殉國秋闈
哭之次年亦卒以功名終

生

去歲此時燕邸計隔年同月澎湖驚一家學術程夫子百代

文章蘇弟兄弓治堂前新世業

（本注）仲木兄弟四五聲名藉甚

埴麓泉下舊

生平二公雖死无遺憾四海後生誰式刑

哀江南三篇

（見沈氏卷）

一篇哀藩屏也

侯封百里内王畿令主東遷古制違牧貢近嗟三楚薄

（本注）左鎮

不州糧久割兩淮肥

（本注）淮南諸沃郡各鎮皆自賦租

爭誇憂國祭征虜翻

作降胡郭重威惟有靖南真鐵漢孤臣力盡死如歸

二篇哀朝廷也

新皇拱默九天高朝士喧譁門戶牢夾輔周侯誰晉鄭中興

漢相失蕭曹長江無計攔古馬空國何勞問楚茅誰掣師貞

長子去奴兵一夜渡寒潮

本述主政掣靖南兵會勦左賊虜遂乘元備遂渡長江

三篇哀金陵也

樓堞橫江古帝城高皇陵墓柏青青吳兒莫顧維桑地漢主

先馳細柳營

本述走靖南軍

百代儒冠淪州莽六朝宮粉污羶腥契

丹莫漫貪降晉自古南人不易平

哭祝子開美

更沈氏本 祝子年譜乙酉五月留都再
潰客坐驚聞兄振几仰天一慟沉殞移刻

客却走復甦自是日夕伏藁哭哭必嘔血家人相戒無
敢言時事者乃手一脫自隨時時有死志六月廿九日
闔戶自經沈等排闥泣解適陳子確至語兄葬母有期
空少待以瞑目兄許之因出一篋屬陳子曰此先生平
日教集與某平日侍先生時所記錄也某今且畢命敬
以遺兄陳子流涕受之自是絕食數日閏六月朔預出
歸屬數則初五日王孺人葬役竣沈輩自墓次歸漏下
二鼓兄至堂上謝客竟爰大書絕筆授諸弟又口誦昔
賢詩見志即結慨自縊沈等号泣跪請兄堅持不少動
移時強解息遂盡不復甦蓋初六日之子刻也越二日
而山陰先生亦絕食死烽火一江閉門合轍將數天率
土終淪長夜乎何君臣師弟相殉于一且也天乎尚忍
言哉尚忍言哉聞山陰臨逝屬致祝開美者三殆屬兄
以千秋大業邪而兄竟先期俟先生于地下哉

不弔昊天亂未猷日驅羊犬噬蒼黔豈妨聖祖卜年運莫追

迂生半日淹身後浮名慚竹史

本注開美臨段詩云莫向編年問知否心安理粵更何

求世間公道屬閭閻出門常恐經邨市巷哭聲殷祝孝廣

本注

袁花鎮民百餘繞屋大哭

其二

諸兒繞哭一聲聲殺徹高天天欲傾誤世

口作國

文章誰可讀

供親筋力未任耕

本注遺訓成諸兒母習舉業棄讀歸耕四孤皆幼無一成重者

乾坤不使

奇男在門戶重教弱婦撐孤寡顛連逢劇亂交遊何以答平

生

親子臨離歸時凡我子孫冠婚喪祭悉遵大明所定庶人之禮行之不尋讀應舉書漁陶耕稼聽其所業

連者即以逆論 祝氏家譜淵子四範明今名翼乾
字鳳師恒明今名翼恒字豹臣号學存升明晉明俱
早陽

其三

塞巷填街滿虎驅張牙先欲啖諸孤單身爲賊獨何莽十日

索良亦大愚益使人心思正士翻疑天意屬狂奴讀書粗曉

覘成敗誰復陽門哭介夫

奉注市有亂於宵衆虐諸孤余往叱之既而衆謀辱予大索不尋有

爲余慮禍者余謝之曰子毋恐吾立見其敗耳不數日驗

其四

蘭譜名賢百有餘蕭蕭塵外獨憐余嘗同蔬飯遠從學未獲

溪山共結廬

本莊同游雲門擬共卜居于間未果

壯士那堪隨左袵中年不忍

即分裾踈慵若弟成何事慚媿吾兄滿篋書

本莊山陰先生所遺視子手札

并親書語錄數本悉以見屬

夜過菩提寺賦謝自明上人

魏州府志真如寺在海寧縣東黃灣菩提山東晉干

寶捨宅為寺周顯德二年建輪藏許志舊名菩提宋治平二年賜今額明洪武二十四年立成叢林

二十年前此讀書重來非復舊山居門藏古路三移向

本莊柴門

以拘忌陰陽二十年中已三易置矣室滿脩篁半掩虛

本莊竹室數間為祀開美昆季所葺而開美已

作古杖履豈知游此夕衣冠翻自悔當初百愁攪夜何勝飲

感謝殷勤餉酒疏

同山衲自明許生欲爾過韻柱樓題壁見沈氏本

蕭然攜伴過山莊林外相逢訝道裝

本註時余變服出游山僧疑余已削髮也

事獨驚千里砲人情空負一壺漿年來自覺乾坤小醉去翻
憎日月長滿壁顛狂舊題句無端又續兩三行

飯後又賦

小閣詩成山餅香清蔬白飯午盤忙重煩老膝催珠玉

本註

脩天目僧故事勸客飯為勉如二器

細聽寒牙奏徵商泉沸晚爐猶貯炭雨

推歸杖更遺糧莫因遠過增煩費金粟僧厨未厭糠

本註金粟一僧

同飯獨不忍飽自言禪堂向啖糠餅

韻彜飯後歸復約餉酒日暮不至不眠成詩

日莫還山嘆索居細風吹竹雨蘊蘇閣熟飯飲故人腹般若
湯乾蒲寺厨夢薄一絲殊易斷愁深百斛甚難驅堅儒莫漫
多尤怨曾憶高皇禁秋無

簡訊董甥

并引

莫雨歸山念董甥典瑞獨居嶺廟愴然動懷又不審前夜
步歸脩途遠跋勞頓何如也

韻

日莫千邨細雨淡歸途忽忽念遙峯荒林雲沒館甥室絕海
潮催納麓風廿里溪橋艸薄五更霜月帽檐空相思徹夜

不成寐萬仞山頭聽曉鐘

懷近思叔西歸無問閨信 正韻

竹林殘靄結寒風大阮西歸小阮東
偏是低離多病骨屢支傾側亂山
筇家藏萬里拖雲帛嶺出千江照
日逢尋有好音頻寄示箋書隨意
慰愁悰

再過韻莊樓

何事重來到韻莊因論往事每潸然
十年世上無留句一日

山中盡數箋

本述余生平拙句道韻莊者獨多因覽壁間詩有題崇禎八年者小翁謂自此不復見贈矣而

前一日過樓頭適感胸事連賦數章篋中新箋為之俱盡敢賦新詩誇退虜聊歌短筑學

辭燕眼前聚散真如夢攜杖歸雲萬嶺煙

夜過雲萍僧舍

林

一作雲

黑溪深夜正闌茫然欲上最高山清風到嶺執微塵

明月出江光尚慳混混不知天地小悠悠惟覺僧徒閑何從
尋此無人境願乞餘生老是間

曉懷夢弼爰立兩姪都司嶺

詳志周都司嶺在黃山東麓明嘉靖三十三年倭掠

袁花都司發書周應禎戰歿天啓初里人許令典叔議立廟

紛紛林鳥日驚飛旅雁雙隨老鶴歸

事述同志四五人集枕海莊各謀所向而夢弼

兄弟獨附一羽衣往

網客猶餘雲外嶺夜溪自啓月中扉壽亭樓殿喧

屠博都尉祠堂費禱祈一曲墳處愁寡和曉牕相憶甚依依
本注所居右閣帝閣左周都司祠人事驚難念之不已

山後遇老董漫成 正韻 見沈氏本

每日携筇山上行山翁山後笑相迎不圖老去成溪契轉向
愁中獲勝情 本注日來相見之密三十年中所未有也 君已出家未免俗我猶為

士衆疑僧從來世眼真顛倒皆與千秋自品評

留別許欲爾用劉先生游錫山和滙溪韻 見沈氏本

攬地西風作小寒終朝清坐不勝酸多時已絕遊山屐隔嶺

重煩餉楚盤

本注余自夏五歸家今始復一過此

世事悠悠愁罔極人情州州

樂偏安一番來往渾無謂家裏離家總是般

醉懷蔡上生（見沈氏法）

人間無處不張羅我向羅中徧踏過東浙好音終間濶西山

定力近如何夢我久欲為君發小死嘗思共子哦（本注開美自題所居）

曰小宛山堂今其墳墓足哀也萬斛新愁付杯酒惡知酒後更愁多

雨阻歸筇又過雲萍僧午飯喜聞捷音

年來非是懶歸家天雨山中乏艸藥竟夜竹床成穩臥（本注儼子）

夜發足聞雨而止明朝嶺廟又分齋江聲萬里聞夸砲（本注紅李銳口撫所進般）

震數海勢千颿下漢潭漸有好音塵外至一回酣聽慰羈懷

自菩提山下訪蔡子

正韻 見沈氏本 許志在黃山東半里高六十九周七里

霜林顚顚不勝殘獨自擔書下晚山千載故人饑未死數間

茅屋亂粗安隔溪雲鎖新所映偃戶塵封舊寒

本注時蔡搜出避寄

炊鄰久別不知清話劇夜聞風雨僕催還

夜過韻竝樓宿

溪林無月黑成堆有客茫然夜上來新浴山盆迎我下舊眠
藤榻喚僮開五更蝶醒知宵雨十月蚊喧似夏雷曉起詩成
呼老友看余蓬首試松煤

辭山

見沈氏本

十二離家二十歸，病心不忍負清暉。連朝嶺路雲笳濕，到處

山厨霜菜肥。元白全編隨意誦，歐蘇選集恣情揮。西道山中攜書惟此

四部而元白集從山僧借觀未敢動筆夢餘枕上无些事，簡韻拈詩託五微。

過查肇五漫賦無寄封婁兄弟州志文苑傳查旦字孟耀一字封婁少孤事母

以孝聞年三十舉鄉進士益肆力於文章會鼎革遂放浪山水間或歌或哭人莫測其蹤跡自号海上迂人其詩文為仁和陸圻訂定歿後遺兵火散亡殆盡塔未達披輯為始讀軒遺集五卷

暫辭山衲侵晨還，久枉邛舟因午餐。未死皆緣母已老，粗安

惟藉家原寒迂疎，我甚愧三益客。適君深惟二難寄語諸賢

各努力，丈夫豈肯空儒冠。

曉行

曉霜殘月亂離人
破帽單袍慘澹神
八十老親垂死病
兩三昆弟徹頭書
焚尚挂儒生籍
產去徒留糧
長身无恠比年惟
悴極不嘆終日嘆吁頻

過徐聖儀訂南湖之遊用韻

霜清月白楚情偏
寒郭尋君雲外椽
羣賢聚祇煩牛作
佩諸公亦媿硯為田
終朝正事惟須醉
絕代癡兒倍覺妍
何日共移南澈艇
啣盃笑出晚湖煙

聖儀齋中又用前韻

楚築蕭條東海偏喜連翁尉謝敷椽枕書畫穩風前榻盤菜

冬肥霜後田建武舊勳毅壯烈本建國帥檄清中原先聲震耳元豐新社句

清妍本建樸菴長生諸父脩洛社故事以飲酒賦詩為娛篇中所用即其韻也吳儂醉絕渾无賴

笑起揮豪亂脫煙

樸菴叔晚過小詒兩和來韻譚意樸菴公先高祖也為爾道公長子家傳之壙

字伯吹一字孟樸号樸菴居鵲門口邑庠生以孫岫貴

馳贈文林郎江南歙縣知縣性嚴正慨直與人處無

遷情赴義若不及博極羣書淡于世味遠近欽其文行

競延致家塾俾子弟矜式焉撰述甚富手註杜律已刊

行生萬歷丁未十二月一日卒康熙甲子二月二十七

日年七十八父案樸菴公後乾初公三年而生時年四

十有五與乾初公為忘年叔姪唱和甚密乾初公之詩

僅能存存而先贈公作竟佚而不傳惜哉

州白桑枯邨路偏亂離何處認茅椽
髡頭重感蘇公髮

本注
誦東

坡新沐頭輕感吳
穉之句為之悵然

負郭猶憎顏氏田

本注目前難處惟髡稅
二事而余屬糧長更難

為新詠入愁拙更好衰容上酒老逾妍
不堪久立寒郊語
透西風杖沒煙

其二

恠殺吾家醉步兵悠然清嘯晚來聲
躬堪遠跋今初學

本注
是日

自鳳林步歸
往返二十里

腹耐新愁向未更騷雅不慙唐進士
迂狂全類

宋諸生相逢且莫忙歸去聽我瀟瀟
訴短檠

濱社見招不赴用韻寄謝

見沈氏序

一自修倉罷讀書經冬碌碌未遑居盟逃邾莒全元憾集有

韋王勝不虛

西述來札以韋王見推益主社自謂也

詩賦悲涼天寶末文章清

鹿建安初偏余近況風塵惡下筆紛紛帶荀疏

早出 正韻

早出收糧夕掩荆書生入俗亦幽清尋常蔬菜官差飲漁州
詩篇楚客賡手有殘編宵代旦心無襍慮夢如醒人間何處
堪離世巷杵鄰難自友聲

冒雪過全圖許吉先

見沈氏本

破舟殘臘出催糧白雪紛紛打下船雲笠曉迷真入畫霜毫

晚凍漫成章寒消此夕千杯蟻
暝壓明年百尺蝗溝壑未填
吾志決股肱儼竭一畦杭

雪中和聖儀見投之韻

生事無勞問彼蒼欺人白雪晚
茫茫辟蠶老婦形神慘捧札

羸僮手拍牋殘臆數椽成委棄

欲典所居屬聖儀居間來札不允殊為悵快

寒宵

一盞自溫香不堪醉後哦新句
幾欲為君請尚方

本注來詩多不平語

賦九月樛杗開字

本注此濱社初集題也余不具赴主社徵詩甚急勉補一章

蚤秋初收釀尚孩園亭先報數
株開露懸清瑩含鷄舌霜試

新銚圻鶴胎本是林逋棋院酒
翻陪陶令菊花杯拙詩補綴

聊述罰敢敵諸公白戰才

聽老醫郭南巖誦所製詩有贈

蚤歲聞君善屬詞不圖世亂興還癡東奴圍市殘燒日南老

登樓漫賦詩

本述去歲中秋齒攻硤川軍民悉逃南岩自言登一危樓賦詩

教我新篇踰七

發勝人陳父足三暮相尋非止求方論知子春來袖滿詩

春晴過近思叔池上即事

歸年入丙戌

又見沈氏本

邨園新晴滿眼花携筐小摘足生涯玉蘭煎餅分瓊瓣茄葉

烹泉園碧芽

五蓮五茄葉煎茶色味勝雨前

春酒甕前兄弟榻晚風池上舅

甥家

本述舅顏亦同居避難瑣案近思公父無為公配太學生祠鄉顏公沫泉女所謂舅者當是顏公母

莫因

多盜謀他適試聽天邊處處如

本注時近思叔將更卜居

春盡登龍山

本注十六日濱社九集效鄭谷進退韻

萬里神州一望虛獨餘季壘未樵蘇

本注山之勝在祝氏諸墳

千林畫入

新圖畫七日春留舊歷書

本注新歷本月二十日立夏舊歷幾歷廿三日立夏距今日尚餘七

疊松濤翻鶴益

本注空同咏松詩鶴益奔騰欲上潮

數聲山柝護龍雛

本注山多松鼠

善食筍守者擊柝逐之

詩成索飲各啜笑誰解吾腸百轉車

懷許欲爾分韻

見沈氏本

塞耳寒笳不忍聽夜潮催子出沙汀干戈滿野荒山路風雨

彌天破驛亭旅雁一聲頭可白故人千里眼誰青姚江粒米

如珠玉日暮王孫飯未經

東陽子評曰蒼涼滿目不用更歌行路難矣

其二

春山鳴鳥晚嚶嚶此日懷君州數更

本注前詩凡三易稿

曹女廟前風

浪惡越王臺畔虎狼橫饑年兩月拋妻母亂世一身無弟兄

更有傷心池館上昏昏霖雨正潮生

本注若翁樞所停處東陽子曰時江上阻兵

故次聯云

遺雲萍老衲

西韻本注同諸子訪老衲于菩提嶺誦其新稿歸道此詩

連天石嶺勢崢嶸共減春衣步晚晴辨海遠眸矜兩鷗

本注海有

二帆如浴鷗

盤山健足勝諸生

本注同游有告之者予殊矍鑠

隨吾杖老能尋寺

吠客麾驕不聽僧一卷新詩千葉茗歸來十日夢魂清

和平法師韻

本注飯後過翠薄山閣壁間新詩獨喜平法師一律我咏不已遂和其韻

本

見沈氏

兩家池館並巖阿飯後貪眠每一過雨濕藥欄增婉孌雲歸
林岫失巍峩別來齋壁新詩滿讀到禪師好句多狂咏不知
春日暮出門山月上松蘿

避兵用前韻兼懷悟凡上人

本注兵至黃山掣同人奔避翠薄再用前韻兼懷悟

凡上人時上人他出故也

見沈氏本

百年殘喘一山阿林外喧闐甲馬過入竹履聲愁索索出檐

冠影畏我我園樛實被頑僮減埭

本注音代茶所出多而美

茗虛叨老衲

多獨有悟師雲外窗日高何處臥煙蘿

家居漫興

編年 又見沈氏本

貧儒此日亦陶陶四月家居未寂寥邨舍雨聲綠上葉茅檐

雪影繭成纒困添夏麥炊香飯箱簾冬衣換濁醪日暮三盃

誇軟飽人間甲馬正喧囂

〔元注〕時尚冠相關所至邨落為墟

祝季寧沈用晦避余家數日長句誌感

編年 又見沈氏本

〔祝氏家

傳稱文孝標公第四子字公幹号季寧邨庠生天資高邁博學能文與羣從兄弟一十八人咸為復社諸君所推重工書法精篆隸又善鼓七絃琴極風流瀟灑之致
築精舍煮茗焚香讀書其中晚擅岐黃家言以方藥濟

人奉母終身

病眼昏昏午夢闌故人惟悴忽河干一天雁影悲零亂

本在念夢

眉兩兄璋璫祝譜考標公四子長炯文字光侯邑廩生次錫

文字夢得戊子副榜三洵文字眉老号稼軒邑增廣生並季

寧之十載鶴林媿晏安本在余遷泥橋蠶事未完茅舍狹麥

田初熟市壺寬年來同志真疎濶世難翻成數日驩

次樸菴叔夜警詩韻

次樸菴叔夜警詩韻

却沽酌罷醒寥寥況是深更盜漸驕僅出無門惟擬溺

本在余居

前阻鄰三面拒河盜來寨裏可免

雖居徒壁亦愁燒叔空聚族聯鄉寨姪正

呼鄰塞岸橋

本在岸橋在余居西北里許盜來必由於此

忽發新函憂怖甚滿前

珠玉底防剽

其三

夜闌欲出走邛寥悔抱兒來哭正驕斂足細求烏黑路回頭

屢見血紅燒板聲疑是幾千艘〔本注〕盜將試手先踏船板壯哉煙氣知非第

六橋〔本注〕樸叔去余家計隔六橋未必真緣貧見憫〔本注〕長生詩云亮尋貧家不忍割原

夫子舍尚愁剽〔本注〕宗譜字余曰原季

其三

吾里風淳盜尚寥比因兒輩養成驕邑三千戶共弛備家七

八抄終被燒〔本注〕余友查英來家冠已共掠八次卒付一炬喜我堂猶慙肯構〔本注〕余貧

賃一椽未
應愁燒
畏君材不愧題橋愁中日月憑詩卷新句真无一

字票

鯤濤東樓

本注是日八月晦出袁花鎮欲附便舟之武原不獲而返因過鯤濤出新詩見示次韻為

別見沈氏本

祝譜淵弟沈字仲貽号鯤濤郡庠生

身隨風葉飄還轉面似霜柑皺不青路入西州渾是夢

本注感開

也美山排東閣尚如屏遠歸詩卷紛成帙老去兵戈嘆未寧明

發離愁秋水濶哀鴻嘹亮孰能聽

九日風雨次查二雅韻

見沈氏本查氏家傳樂繼彥莊公大臨第四子字二雅更名

清海鹽庠生

曾因離

晉

畢卜滄沱其奈吾言偶中何菊插滿頭秋雨重帽

吹短髮晚風多自憐老病空清坐誰恨離愁發浩歌莫怪朋
儔今阻約明朝新霽或重過

兩月前同志有屢約登高者余曰今年九日必雨約者驚
曰子何豫知九日之必雨余曰子亦何以豫知九日之必
不雨耶凡事恆失之有意而子數數約之若惟恐其不獲
登者此乃必不獲登之兆也比至九月初八夜月色皎然
同學疑余言不驗余出庭眎之曰明日必雨矣未半夜即
大雷雨感二雅詩捉筆成和并附記於此

又和子美二韻 綱年 又見沈氏本

斷酒除腥擁褐寬年年此月不成歡

本廷先嚴以是月見背更無短髮

羞吹帽自有傷心欲燬冠

本廷變令以來冠衣之蒙垢復顧久矣自書所感非樂翻案也

煙雲秋氣塞打門風雨晚聲寒獨餘照面茱萸在病眼茫茫未忍看

其二

終年望雨無半滴九日轟雷打百回敬枕正便高士臥緘書空約故人來深秋肺熱空辭酒久病眸昏嬾上臺惟有午餘茶量好手烹檐水倒連杯

十日偕欲爾登都司嶺再用杜韻編年 又見沈氏本

山清路軟州鞍寬新霽携朋意更歡煙艇望迷雙白空嶺祠

陪老一黃冠

本注道士韓養元守周祠二十餘年
余讀書黃山旦晚相見今皆老矣

半酣溪樹

春爭媚久狎巖風晚覺寒十日登高渾未錯秋林猶擬百回看

茶磨山有訪不遇

編年 又見沈氏本 嘉興府志 茶磨山在海鹽縣西南三十七里宋志

山在黃巢街側山下周迴有港港外有壑昔人避兵結
岩處詳全可然雲石間記山在紫雲邦孤山拔起形圓

秀盤旋如磨而
空茗并故名

雲邨舊業竹森森亂石岡頭坐曉陰當戶青山終歲好映堦

紅葉暮秋淡園翁日午方高枕
楚客霜晨枉抱琴携杖出林

忘近遠嘒嘒空腹縱狂吟

〔本注〕畫呼不起真成隱者但求道元主忍飢奈何

小憩邵灣拜祝玄嶽先生之柩于敗垣下

編年 又見沈氏本嘉

興府志邵灣山在海鹽縣治西南三十六里〔州志循

吏傳〕祝以眞字佑徵号玄嶽幼有神童之目九歲入庠

萬曆戊午始以南雍發解年五十八矣除高縣教諭遷

南豐知縣繕城簡甲備禦有方流寇不敢入境考滿歸

乙酉聞南都亡痛哭不食旋卒年八十五曾孫琦康熙

丁巳解元

故園無恙午峯環門外初開水一灣
挂地霜始新菜園撩天

煙竹舊柴山

〔本注〕邵灣余八年前所讀書處也故先記時物之異以誌感

松堂影寂人稀

到藥隴雲深師未還

〔本注〕邵灣主人已出山二日矣主人甚好學仙

獨拜遺骸荒州

下敗垣風雨淚潛潛

夜歸憇都司祠竟成隕醉

編年

又見沈氏本

緩步歸來月照牆晚餐未罷酒盈觴豚蹄魚膾虛神惠

病後

日多神銳狼籍而余適茹素

柏屑松脂噴佛香人世一逢今日笑吾徒重

學昔年狂君看鬼牒山房滿夜夜敲門請道場

同人以杖頭為自明僧四十壽并約看紅葉侑以此詩

編年

又見沈氏本

不喫長齋不坐禪也無機詐惱蒼天樽常有酒時能醉我尋

如君便是仙三歲偶羸慚馬齒

余年四十三矣

百齡將半慶

一作通

年杖頭聊佐山厨費待看霜楓最上顛

秋游即事分韻

并序 見沈氏序

同學有登高之志素矣昨夜自邵灣歸憇都司嶺道士韓
養元為言菩提僧自明四十壽往往有藤金索醉者余聞
欣然今蚤先遣杖頭致自明約其買麵到雲萍山打餅看
紅葉而余與欲爾二雅爰立姪泓兒緩步徐往為竟日之
遊醉歸再憇都司嶺祠香出林明月矚地裊裊樂之不能
去俄有二僧自馬墳踰絕巘按板唱佛而下聲隱隱自雲
中出飄然有遺世獨立之意自以塵勞世界當無復有清

閑好事如吾兩人者何意天壤之間磐石之上又有此數
子乎遂各相視而笑劇談移時子乃與諸子咏歸夜茂而
二僧仍唱佛入雲中去二僧者尊可尊覺也世事惘惘勝
遊靡常賸我同人爰分四韻

病骨淡秋萬仞臺霜林處處繡成堆飽餐一盂千層餅醉猷

雙排百勝盃

本佳與自明拳註連捷反
受大就俗謂之挂紅酒

松影黑沉山嶺日柏

煙紅出廟爐灰半天兩個僧巡炤橐橐雲中敲月來

本佳禪
家擊板

警夜謂
之巡炤

母誕

竊年又見沈氏本
葉太孺人八十誕辰

（瑋案）丙戌九月十九日為

慙媿慈親壽八旬亂離州州負晨昏盈頭雪白二三子繞膝

冰清十四孫

本注孫十人
曾孫四人

菊圃深秋開小酌華門晴日擁高

軒年年此夕還偷淚萬歎難酬嚴父恩

本注吾母降生之辰
即先嚴易簀之日

尊案家傳

育永子三長城世字夢弼号鼓濤邑庠生

生萬曆甲寅時年三十三次枚字爰立号補菴石門

庠生生天啓癸亥時年二十四三棧世字滿玉号益

齋生崇禎辛未時年十六思永子二長燁世字翔光

号玄度郡庠生生萬曆丁巳時年三十次燿世字機

光号鶴亭邑庠生生天啓甲子時年二十三祥龍子

三長易字惕非又字潮生邑庠生生萬曆戊午時年

二十九次鎮世字簡生号約菴生天啓癸亥時年二

十四三鉉世字季懷生崇禎庚午時年十七道永子

二長翼字敬之号敬齋生崇禎壬申時年十五次禾

字若木生順治甲申時年三歲所謂孫十人也機世

子學英字東藩号舒菴桐鄉庠生生順治乙酉時年

二歲煒世子克復字聞起煒世子正始字心伯号定山
生崇禎癸未時年四歲曾撫三人而云四人者殆既生
而殤歟